

Bulitinu Infurmativu

Consillu Armânjloru, deadunu cu sutsati ditu Arbinishie (MANDRA di Curceaua sh Uniunea Armânjloru ditu Arbinishie di Tirana), andreadzi dauâ evenimenti culturali tu Arbinishie, Sâmbâtâ, tu 20-li di Andreu, Curceaua sh Dumânicâ, tu 21-li di Andreu, Tirana.

Cu aestâ furnjie, armânjlji ditu Arbinishie va aibâ marea harauâ ta s-avdâ, tu mushata limbâ armâneascâ, pareia di teatru di Bucureshti, cumândâsitâ di avdzâtlu actoru sh reghizoru armânu Toma Enache, giucândalui pi scenâ, piesa di teatru „Minciunoslu“ di Carlo Goldoni.

Dumânicâ ti prândzu, Tirana, dzuua culturalâ armâneascâ va sahurheascâ cu prota Conferintsâ a Uniuniljei Armânjloru ditu Arbinishie, iu va hibâ câlisiti sh sutsati armâneshtsâ ditu alanti craturi ditu Balkanu icâ ditu diaspora armâneascâ cumu sh reprezentantsâ ditu Guvernulu Arbinesu sh ditu ambasadili a craturiloru iu bâneadzâ armânamea.

Tu idyia dzuuâ, Dumânicâ, Tirana, tu 21-li di Andreu, Biroulu Executivu CA ari tu proqramâ unâ andamusi ti muabets ligati di disvartearea activitatiljei CA ditu prota giunitati a anlui 2009.

Consillu Armânjloru
Biroulu Executivu

(Bulitinu Infurmativu Nr. 3)